

孔子家語曰食氣者神明而壽食穀者智慧而巧不食者不死

道士

孔子曰士志於道而恥惡衣惡食者未足與議也

道書授神契

道門十規

楹六

此詞教道者當隨時處事其宜道者宜守其操道

伏聞聖人以神道設教

太上以虛無為宗其廣演宏敷自歷劫以來

愈彰愈著原其本也雖有道德經師三寶之

分而始自

太上授道德五千言於關令尹其所謂無為

不爭之旨始殷三代之初則廣成子黃帝

帝問道於崆峒等而上之道所由立出乎

太上一也修諸已而合夫內聖外王之道

者則有關文莊列諸子之遺言治諸世而

驗夫清靜無為之化者則有蓋公曹參二

公之善政迨我祖天師立教於東漢葛仙

公許旌陽演派於吳晉曰教則有正一全

真之分曰法則有清微靈寶雷霆之日非

究源以求流必忘本以逐末然吾道之盛

宋元已稱特至我朝欽蒙

太祖高皇帝御注道德上下經立成道門上

範清理道教崇獎備至謂道教之設中古

有之如黃帝謁廣成子於崆峒祖天師鍊

丹於龍虎役使鬼神禦災捍患所以歷代不磨禱祈有應無不周悉永樂初元首蒙皇上聖恩申明眷諭彌篤務令一遵

太祖成憲由是觀之吾道之光赫又豈前之所企及也我永樂四年夏伏蒙

聖恩委以纂修道典入閣通類切念臣宇初

匪材涼德學識淺陋忝竊是懼徒承乏於

遺宗曷負勝於重任然雖撫躬慊慊

詔命莫辭兩奉

勅旨之頒時蒙

宣室之間揆之駕劣慚悚益增稽之遺遇

喜懼交集又念吾道自近代以來

玄綱日墜

道化莫敷實喪名存頽衰衰季常懷振迪

之思莫遂激揚之志茲蓋伏遇

聖明御極

神睿統天偃武修文成功定難

聖德合於天心禎祥疊見

皇猷平於華夏道德斯昌實道門千載一時

之遇成太平萬世不涇之典是用旦夕搜

采前代定規羣師遺則撰成道門十規志  
在激勸流風昭宣

聖治永為奕世繩規玄門祖述庶幾上不負  
朝廷崇獎之恩下有資道流趨學之運其茂

闡

玄元之化益宏清靜之宗陰翊

邦祚大振教謨深有望於將來期永規於

厥後也乎

一道教源派始自

太上三代之前則黃帝問道廣成子即太

上也及曰生於殷末仕於周初在文王時

為柱下史迨武王時還藏室史其所著則

道德上下經其徒則有關文莊列充倉柏

矩之流其言則修齊治平富國強兵經世

出世之術互有之矣見之太史氏曰道家

者流精神專一言廣易操斯可知矣故所

謂先黃老而後六經甚則以黃老倫於刑

名則為過矣其曰元始靈寶乃混沌之初

玄元始三氣化生其本則一後之闡化則

有祖天師許真君葛仙翁茅真君諸仙之

派世降之久不究其源各尊派系若祖師

之曰正一許君之曰淨明仙公之曰靈寶

茅君之曰上清此皆設教之異名其本皆

從太上而授凡符籙經教齋品道法之傳

雖傳世之久各尊所聞增減去取或有不

同而源委則一內而修之則有內外丹之

傳其見諸經典者諸子未嘗言之丹砂藥

術其曰修鍊止性命神氣之說自秦漢以

來方士競出若文成五利之以金石草木

徒殺身取禍遂世稱方術美外而施之則

有禱檮祠祝之事自冠杜葛陸之徒其說

方盛由後之師匠增損誇誕奔競聲利而

世曰異端矣然二者太上之初所未彰顯

後之不究其本不探其源者流而忘返眩

異失同則去太上立教之本虛無清靜無

為不言之妙日遠矣凡習吾道者必根據

經書探索源流務歸於正勿為邪說淫辭

之所汨遂乃遁相鼓惑深失祖風蓋經曰

虛無自然道所從出真一不二體性湛然

圓明自足是開立教之源以為入道之本

所宜首務也

一道門經錄太上三洞諸品經典乃元始天

尊靈寶天尊太上道德天尊金口所宣歷

劫相傳諸師闡化若元始說經當以度人

上品為諸經之首靈寶說經當以定觀內

觀為要太上立教當以道德日用為規內

而修已則虛皇四十九章經洞古大通生

天清靜諸經最為捷要外而濟世度幽則

黃帝陰符經玉樞北斗消災救苦五廚生

神諸經玉樞朝天九幽諸懺是皆入道之

梯航修真之蹊徑是以從道之士先當恭

敬神明焚修香火積誦經誥皈依大道首

宿今之業垢召福澤之良因故經曰一切

神仙真人皆以無上要言得成道果仙師

云經以欽心經以著念使晨夕能焚誦不

輟消除魔障增廣道緣誠為方便中第一

事也凡持誦之士必當齋戒身心洗心滌

慮存神默誦誠如對越上帝默與心神交

會心念無二句字真正調聲正氣神暢氣

和庶幾有功則玉音攝氣靈韻交乎自然

和天安地善俗化民福集禍消存亡蒙惠  
苟若口誦心違形留神往不存誠敬手息  
足揚雖日誦千百卷於已何益又豈能消  
災散禍也哉若為人持誦猶當持敬存誠  
以致齋主之敬以通信嚮之誠庶不致虛  
受齋供布施為之祈福消愆自然有感如  
或語言接對嬉笑談諧思念不專熏穢披  
誦不徒無益於齋主反以貽愆於己身似  
此皆然深宜規戒兼以年代之遠經文訛  
舛多後代師德之所撰注謬誤不無因生  
輕慢如或有疑自信不篤則守以一誠慎  
勿鼓和輕薄浮妄之徒擅生慢毀自貽厥  
咎其太上諸品經錄若祖天師所受則盟  
威都功葛仙翁所受則中盟四仙茅真君  
所受則上清大洞其餘符籙彌多皆所以  
福

四方博識師德善如考證詮次申送教門  
改正刊行猶為善果之一助也  
一坐園守靜為入道之本蓋太上立教度人  
正為超脫幻化了悟生死若非究竟本來  
了達性命則何所謂學道之士也經曰積  
心善行絕世所欣不與妄想無有染著不  
滯有無永絕生滅是名真人近世以禪為  
性宗道為命宗全真為性命雙修正一則  
惟習科教孰知學道之本非性命二事而  
何雖科教之設亦惟性命之學而已若夫  
修己利人濟幽度顯非明性命根基曷得  
功行全備況自上古以來太上座劫化現  
諸師之修鍊成道皆自靜定之工庶得道  
功克就神通自在迨宋金之初重陽王祖  
師遇鍾呂之傳始立全真之教蓋本經曰  
養其無體體故全真是教則猶以坐園守  
靜為要五祖則太上東華鍾呂海蟾也七  
真則丘劉譚馬郝孫王也其下綿延暨王  
苗祈完之輩殆今學之者眾皆以真功實  
行為本其初入道先擇明師恭禮開發性

地慈守修真十戒白祖師馮尊師堂規等  
文收習身心操持節操究竟經典既知入  
道之門然後擇山水明秀形全氣固之地  
創立菴舍把茹蓋頭聊避風雨風餐露宿  
水跡雲蹤次結道伴惟務真素樸實之人  
晨夕為侶供送飲食草木食單食飲  
但獲止飢蔽寒而已直候百日立基十月  
胎圓三年圓畢或留園或出定惟斷絕人  
事情消緣滅去來自其或有力之家布  
施齋糧水鉢隨分自給而已不得妄負過  
取亦不得假設誇誕之辭驚世駭俗務吊  
虛名其補破遮寒乞食化衣真功苦行搗  
木死灰乃磨勵身心分內之事庶不負四  
恩殃及九祖苟或退息則羣魔作障其  
供園道伴竭力扶持寒暑疾厄務盡勤勞  
亦積已之功成人之善也不得假以禪宗  
棒喝且事人我取世非議所究丹經惟石  
壁記龍虎經參同契悟真篇翠虛篇還源  
篇指玄篇大道歌崔公入藥鏡金丹四百  
字并諸仙語錄皆誘人修真入聖之梯航

所宜潛心研究庶無差戾其旁門左道之言不許經目留心候已惑人甚則毀謗經典借證其非則貽寔謫必矣

一齋法行持乃上古觀天禱祭之禮自靈寶天尊受元始說經以來為立教之本其日

最多其文最浩然自太極徐真人仙翁葛真人朱陽鄭真人三師而下則杜葛陸賽項寇又其最名世者由是而分則有林田金白諸師遠有東華南昌之分派雖不同而其源則一故符篆呪訣亦相去不遠是

皆後之師德各立宗門接引後來之一端。初無二道也舍此數派稱為正宗餘不足師者多矣世傳三籙內文金書玉鑑道門定制立成儀等書已有定規凡行持之士必廣參博究務明性命根宗累積真功實

行凡過行持必須齋明盛服潔已清心先鍊諸已後可度寬必齋戒以通神明外絕塵務內鍊形神非符籙簡札之事不得妄與凡陞壇朝叩之次務積一誠精思默存為衆所模範庶上可以感天地鬼神下則

不負幽冥之苦趣如三籙之設金籙惟

帝王可建玉籙惟

后妃可建黃籙則士庶可建大小各依分數

不可僭亂定規一遵

太祖皇帝立成儀範恪守為則凡其符籙簡

札之類亦不得增損移易其壇儀科典皆設像陰陽取則經緯一無妄違苟不以誠敬齋莊為本惟務鐘鼓喧譁播花眩彩語言嬉笑舉動輕浮何以對越上帝通誠三界不惟無以感召休祥亦且反增罪業矣

傳曰鬼神無常享享於克誠誠則有神其理甚著故澗溪沼沚之毛蘋蘩蘊藻之菜皆可羞之鬼神薦之上帝也此所以為高功鍊師者必擇同道端潔詣通之士同壇共事庶無貽咎於己亦為齋主消愆而致

福其所用雲樂之外其餘鏡鈸鈴鐸之類不得雜用甚為褻瀆至若趨歸真林靈素之徒偶為世主之所崇尚敬禮即為富貴所驕有夫君臣之分過設誇誕之辭不以為慙儉自守亦取議當時後世多矣是切為

後戒

一道法傳緒清微始於元始天尊神霄始於

玉清真王自歷代傳緒以來清微自魏祖

二師而下則有朱李南黃諸師傳行猶盛

凡符章經道齋法雷法之文率多黃師所

衍神霄自汪王二師而下則有張李自陸潘楊唐莫諸師恢弘猶至凡天雷霹靂之文各相師授或一將而數派不同或一派而符呪亦異以是訛舛失真隱真出偽者多因而互生謗惑

凡行持之士必有戒行為先次以參究為務先求巖谷明師草衣木食之士開發萬法根宗精勵香火止佩一法一籙一職苟能晨夕鍊神養氣修持不怠與神明交格言行無慊何患法之不靈將之不枯雖職

小法專亦驗苟惟務虛名奔逐聲利必求參當世顯達為師誇名眩世不修香火荒怠修持佩法縱多徒若商賈之負販錄職貴於高大出處務於誇眩耽肆酒食矜伐怨欲不異井巷巫覡之徒未嘗留念神明

輒誇符咒之驗呼僑謗類第相鼓惑甚則假以謝師稿將微索酒食誠有悞於叩祈且深乖於教範又輒妄為人師以盲引瞽內無功行外結是非深為大戒果為高行之士惟務致虛守靜一念不生萬緣俱寂

性天道法心地雷霆不落萬緣之窩曰惟究向上之真宗斯為上士也又等圓光附體降將附其扶鸞照水諸項邪說行持正法之士所不宜道亦不得惑惑邪言誘眾害道凡行符水之士務以利濟存心以丹砂藥術兼濟不得妄受資財及與鬼神構怨以至法術不驗亦不得濫投道法輕泄玄機雖入道之人崇教之士言行不莊慢忽香火者亦宜實秘慎勿妄傳而況市井屠釣之徒苟利眩名輒納為徒浮談誑語

自貽律譴罪所不原

一住持領袖凡名山福地靖廬治化叢林宮觀住持之士或甲乙往還或本山推舉必得高年耆德剛方正直之士言行端莊問學明博足為叢林之師表福地之依皈者

為之庶足儀刑後進準則前修其居是者務必慈仁儉約德量含弘規矩公正先開接引之方導愚奮眾以謹焚修之職請福消愆裕

國祝釐莫大於報本專經闡教莫大於推誠其畜眾之方先嚴戒行規矩為要整言以罪福因果之報田糧委庫職管紹賦稅任砧基應充飲食修造各謹司存晨昏以神明為護修葺為心五湖四海高人羽士或挂搭安單栖冬結夏設知堂一負廣於接待素食粗衣隨緣安駐務令身口安閑逍遙無念庶進道有基身心無慮其刻苦修持者猶當周給其入山檀施喜捨隨緣或建齋設醮薦祖度親隨力行持一遵齋科大小濟利毋校所施厚薄經曰一切諸福皆

自歡喜中來

一切布施歡喜心種種善果福報無邊其官貴賓客往還素齋一食過夜則宿不得干與公事延留惹非明望宣明訓戒開示激揚務修本面家風究竟本宗事業毋貪富貴毋嗜喧囂因而爭相

做效華衣美食廣廈細艷昧公營私出入騎乘呵擁僕御交接權勢以致教化不行源汗流濁甚則耽迷聲色外飾內乖不畏香火神明靈壇古跡私畜俗眷穢褻神祇所轄住持宜聞於有司處決下山不得蒙

昧阿私有壞規法其後進不遵輕薄之流不習本宗惟圖頹橫自貽過咎必宜依律違斷庶獲規繩嚴肅教範宣揚如或一舉容情罪宜均受近者郡邑道察儀範猶乘紀綱不振所合整肅一守定規

一雲水叅訪凡出家之人上離父母之親下棄祖宗之嗣志在出世離塵必當以超脫幻化了悟生死為心苟若仍前汨迷塵網晝夜奔波無有出期與俗何異經曰學道之士以清靜為本親諸邪道如親仇讎遠諸愛慾如避臭穢除苦惱根斷親愛緣是故出家之後離情割愛舍妄歸真必當以究明心地修養性天為務操修戒行磨鍊身心隻笠單瓢孤雲野鶴或遇名山洞府挂搭安單叅謁明眼師匠問道親師切究

性命根宗深探道德之要悟徹宗門玩味法乳不於利名挂意富貴留心雖飢寒風暑之切身不易其操雖困苦貧賤之役心不奪其志忍辱藏垢言行謙和卑下柔弱精神純一心存柔遜性戒剛強務居山林巖洞人跡稀絕之地草衣木食以養生巢居穴處以守道各依師授修鍊本來其出外求風餐雨宿忍凍受飢躡屨擔簦勞包頂鉢不懼萬里之遠務登名師大匠之門一言之下頓悟萬劫之果遂周致凡出處之間悉遵白祖師馮尊師諸師匠堂規業林儀範而行凡有過失悉依責罰其或非實際悟明真積力久性天瑩徹塵垢碾磨好為人師以自大者必擇而師之不得惟慕虛名趨媚顯達貪迷聲利不究實地工夫至乃前工盡廢業障徒存其靈朋霞友之徒亦須志合道同方乃不生魔識共成道願先擇後交猶為自戒苟或師友得人堅心苦行普資羣品度脫幽沈則臣事三境起神八極為不難矣

一立觀度人為出家接續之首務凡名山洞府洞天福地古跡靈壇皆古昔仙真靈跡去處其欲香火綿遠必以度人為先須擇名器之家資性淳良庶可訓誨苟非道材法器汎濫收錄或不成材肆暴為非固守戒訓不惟貽玷玄門又且成敗興廢所繫或多來塵汙雜出處卑微甚則累辱冠裳尤宜自慎必得其人然後聽言觀行察審詳實為其登名牒籍長幼各依品叙不得徇私紊亂書記會衆舉試道門經典務要習熟諳通掌籍類名申送道司俟度牒開通依例申名

或有應緣經應務必齋戒存誠一遵前訓藜藿糲食楮被布衣乃出家常事不得瀟同世俗故違規矩博奕肆酒交友奸邪長幼參商支分派別考試不中舉唱不齋觀科典為文具因果為虛談歌談妖豔之詞汨沒利名之域貪迷富貴耽戀紛華不究本面家風日墜祖宗基業輕則議罰容以自悅重則一遵戒條下山除籍庶激勵於將來使四方之遵守

一金穀田糧多累朝給賜田土或前代師德所置祖產前後擅越所施專為瞻眾香燈之用其常住庫堂設職管紹出納其各家寮院宜遵常住定規長幼輪次管紹其租課金穀簿書庫堂則都監上座監臨掌之寮院則房長掌之以下者止依職叙長幼輪管凡一歲賦稅科差殿堂修造房院修葺春秋祭祀時序薦誦吉凶吊賀關防火盜必以瞻眾為先悠久為志務要公同出納明白登載不得指私為公各蓄私財互分各據擅自支遣務令老安幼懷香燈不乏

報祀以時修葺勤謹賦稅預備則上下雍睦香火悠久公私無窘逼之憂官觀無興替之患疾病互相扶持死亡務從儉約薦送俱不得昧公營私虧騙入己苟求衣食欺誑神明租課運沒修造不舉祭祀荒違以致科差燕充上下靡寧甚則攘竊非為有乘教法不懼天理之誅有負擅施之願在公庫則眾職舉行方丈會眾查理議罰計其輕重甚則更替輕則罰倍其數入庫公用其寮院則尊長舉行亦會眾查理輕重亦照常住行之申呈方丈從公遣逐如眾職互相容蔽以掩己私尊長姑息不言暗相護恃隣眷亦宜舉行公議以明去就懲一戒百其常住田土例不許賣亦不得私立契約破蕩賣易其應充科役宜遵定制設碇基道人支應燕不一弊汗雜染習澆風切須自慎神鑒孔昭各宜勉之

一宮觀修葺凡名山福地真靈香火之所多宋元

本朝所建官宇上以祝釐福

國下以容眾安軍每因兵燹之餘遂乃廢弛不舉其各宮觀若殿宇法堂齋堂官舍雲堂道館兩廡庖廩所不可無雖戶有田糧或所任非人沈匿租課入己肆非妄為毀滅神像傾頽屋舍者多務以科差藉口甚則典賣常住器血房屋卒為瓦礫榛蕪終身不思艾整者有之或有私財分煙異慶因而做習成風昨蒙

聖恩清理其凡係前代真仙古跡靈壇豈宜廢弛必合依時修葺或戶下田糧荒熟不

等賦稅輕重又或產去稅存不時各須臨田查理開報有司立碑刻石毋致湮滅與公庫職負公同出納務以修葺贍眾為先專設直歲一員知庫一員每歲修補漏爛整築牆籬潔淨道路肅清壇宇普眾山林使神明有所依栖四眾亦獲安逸如田糧所用不敷或資於經贖或藉於題注眾力經營隨宜整葺亦不得假此名色在外交結官貴誘透商賈強人謀為非出善願因

而招惹是非返為宮觀之累如或田糧香

道門十規

花可充修造肥己不為故行穿鑿山林有傷風水諸伐林木以充口腹同處職眷迤相覺察聞於道司舉行定奪如悞過自新方許同處其或頑愎不遵聽自有司區處務在革替一新常川修葺庶無傾廢未報前規凡在玄門各宜遵守